

Mir söled schneller schaffe

T. & M. D. Liauw

Laila Scho i aller Herrgotsfrüeni foht e Morgeschicht aa
und es git en Huufe z tue.

Mia Und ich schaffe wienen Tubel, chume fasch nüme na
nie han ich es bitzli Rueh!

Yoemi / Paula Mir müend d Duschi putze, bette und der Abfall ufneh,
mängisch putzed mir au d Schueh.

Ema Aber d Chefin meint sie müess eus no en Sonderjob geh,
das isch doch e tummi Chue!

Ruben Und wemmer emol e chlini Pause müend ha,
foht de Zämeschiss scho aa.

Laila / Ema Sie seit mir söled schneller schaffe,
ned im Zimmer umegaffe.
Es sötti alles fertig sii.
Und mir müessed ums verrecke
fürs Bankett de Tisch no decke,
mir siged ziemli hindedrii.

Yoemi / Paula Für die Dame und die Herre chunnt nur s Bescht uf de Tisch,
aber mir händ nüt devo.

Nena Scho zur Vorspiis Lachs und Kaviar und gräuch'rete Fisch,
händ die geschter übercho.

Mila Und für d Mitarbeiter hets defür en Cervelat geh,
mit de Huut und ziemli roh...

Josephine
(wenn nicht alleine will + Nena?) Doch zum Gschirr und Bschteck abrume cha mer eus wieder neh,
das isch im'ne Hotel so..

Ruben Und wemmer emol e chlini Pause müend ha,
foht de Zämeschiss scho aa.

Nele / Annika
(ev. nur Nele, oder Text
aufgeteilt?) Ihr müend itz würkli schneller schaffe,
ned im Zimmer umegaffe,
es sötti alles fertig sii.
Und ihr müend itz ums verrecke
fürs Bankett de Tisch no decke,
ihr sind scho ziemli hindedrii. Denn das isch...

alle ... s Grand Hotel mit Name "Paradi".
Es isch immer scho die bescht Adrässe gsi.
Euses Kurhus mit de bsundere Familietradition,
isch bekannt im ganze Land für Luxus und Diskretion.
Sones Hotel isch e wahri Rarität,
euse Name stoht für beschti Qualität.